



Pastor Tony Alamo

Ti Nakristianoan a Nasion ni Alamo

Libro 17500

DAGITI KARRUAHE NGA APOY

ni Tony Alamo

No makita dagiti tattao ti sao a “karruahe,” ti ammoda addaan laeng ti maymaysa a kaipapanan, “ipag-paguyod iti kabalyo, addaan dua a dalig a maus-usar idi ugma a pakigubat, pakilumba, etc.” Ibaga met iti Webster Dictionary “kitaen ti LUGAN.” No kitaentayo ti “car / lugan,” makitatayo a ti sao ket manipud iti sao a Latin a “car-rus,” a maipatarus a “karruahe.” Maipatarus met ti karruahe nga “(1) aniaman a lugan nga addaan kadagiti dalig; (2) lugan nga aggaraw kadagiti riles, kas lugan iti kalye wenno kariton; (3) kotse; ken (4) karruahe ti elebeytor.” Ti moderno a patarus innayonna ti eroplano, UFO, flying saucer, ken aniaman a makabunag iti tao, anghel, etc. Ti patarus a Hebreo para iti “karruahe” ket mabalin a “multitudes / reprep” wenno “kariton.” Isu a ti sao a “karruahe ket addaan iti adu a kaipapanan.

Iti 2 Ar-ari 6:15, idi a ti alalay (wenno adipen) ti tao ti DIOS (Elisio) ket bim-mangon a nasapa iti bigat ken napan iti ruar, nakitana ti buyot nga addaan kadagiti kabalyo ken karruahe a nangpalikmot iti ili (dagitoy ket saan a karruahe ti apuy, gapu ta nagkargada laeng iti tao). Ti alalay (adipen) ni Elisio ket nagsaludsod kenkuana, “Amo, ania ti aramidenta?” “Saan ka nga agbuteng,” insungbatna, “Ad-adu ti adda iti panigta ngem isuda.” Santo nagkararag ni Elisio iti DIOS, nga ibagbagana, “APO, lukatam dagiti matana ken palubusam a makitana.” Ketn linukatan ti APO dagiti



Ni Pastor Alamo ken ti Dios ti alwadna nga asawana a ni Susan iti internasional a television programda, nairekord idiay Grand Ole Opry, Nashville, Tennessee

Naala ti litrato idi 1975

mata ti adipen ket nakitana dagiti turod iti aglawlaw ni Elisio a napunno kadagiti kabalyo ken karruahe nga apoy. Dagitoy a karruahe ket naiduma kadagiti karruahe dagiti taga-Siria gapu ta nagkargada kadagiti anghel. “Karruaheda nga apoy,” ken saanda a makita babaen iti mata ti tao malaksid no ipalubos ti DIOS a makitatayo ida. Umadu nga umado dagiti tao a pangipalubosan ti DIOS a makakita kadagiti Nailangitan a flying saucers ita. Manmananda ti lubong sakbay nga agsubli manen ni JESUS ditoy, ken isuda, segun kadagiti mandar ti DIOS, ket mangigap-gapu kadagiti didigra iti naduma-duma a paset ti lubong gapu iti panagtabbaaw, panagid-idolo, ken adu pay a dadduma a wagas ti panagbasol dagiti tattao.¹

Patien dagiti dadduma a tao a ti laeng masapoltayo nga aramiden ket iti mamati kadagiti sao a “JESU-CRISTO” ket maisalakantayon. Kinaagpayso-ananna, ti kayat a saoen ti DIOS ket iti panamatitayo iti amin a banag nga imbaga ti APOTAYO a ni JESUS, dagiti inaramid, ken ar-aramidenna babaen iti BAGINA, nga isu ti IGLESIANA, ti NOBIANA. Daytoy ti rason no apay nga IMBAGANA iti libro ti Paltiing a masapol a naregtatayo a mangsurot KENKUANA.²

Adu dagiti tattao a mangigabaga a mamatida iti NAGANNA, a kas met iti panamati ti diablo iti NAGANNA, ken agtigerger (Santiago 2:19). No

pay kasta, imbaga ni JESUS kadatayo a DAWATENNA ti panangsurottayo KENKUANA ken iti panangaramid kadagiti amin a BILINNA, nga addaan regta!³ No labsingentayo ti uray maysa laeng kadagiti BILINNA, kasla linabsingtay met laengen iti amin, gapu ta no labsingentayo ti uray maysa kadagiti BILINNA, umdas daytoy a mangitapuak iti kararuatayo iti agnanayon nga Impierno ken agnanayon iti Danaw ti Apoy.⁴ Daytoy ti rason no apay a binal-laagannatayo ni JESUS a saan ISUNA nga agang-angaw. KUNANA, “Ammok ti aramidmo [AMMONA ti amin nga ibagbagana ken ar-aramidentayo], a saanka a nalammiis wenno napudot: Kaykayatkon no nalammiis wenno napudotka. Ngarud

(Maituloy iti panid 2)

¹ Gen. 19:1-25, Num. 22:1-35, 25:1-9, 2 Sam. 24:1-17, 2 Ar-ari 19:35, 1 Cron. 21:9-30, 2 Cron. 32:19-22, Pal. 7:1-2, kap. 8, 9:1-5, 13-21, 14:8-11, 15-20, kap. 16, 18:1-2, 21, 19:17-21, 20:1-3, 21:9 ² Mat. 3:7-10, 7:13-23, Juan 14:12, 15, 21-24, 15:1-14, Rom. 12:5-21, Gal. 5:14-26, Ef. 4:20-32, Tito 2:11-15, Heb. 2:1-3, San. 1:21-27, 1 Ped. 4:7-8, 2 Ped. 1:3-11, 1 Juan 2:3-11, 15-17, 3:4-12, Pal. 3:14-22 ³ Pal. 3:14-22 ⁴ San. 2:10-11

DAGITI KARRUAHE NGA APOY

(Katuloy ti panid 1)

gapu ta apagbaraka, ken saan a nalammiis wenno napudot, ituprakanto manipud iti NGIWATKO” (Paltiing 3:15-16).

Kasano nga ammo ti APO ti tunggal banag nga ibaga ken aramidentayo? Ammotayo nga amin nga imbaga ken inaramid-tayo, wenno ibaga ken aramiden pay laeng, ket naisurat iti libro.⁵ Ammotayo nga adda iti amin a disso ti DIOS, a saan a malaon iti entero a parsua ISUNA.⁶ Mannakabalin-amin met ISUNA, a ti kayatna a saoen ket addaan iti awan patinggana a pannakabalin ken turay. Mannakabalin-amin ISUNA.⁷ Adda ISUNA iti amin a lugar, a ti kayatna a saoen ket adda iti amin a banda iti amin a tiempo.⁸ Awan aniamanna para iti DIOS ti panangammo iti amin a banag nga ibaga wenno aramidentayo, imposible para KEN-KUANA ti agulbod (Hebreo 6:18).

Kangrunaan launay a patientayo ni JESUS no ibagana a maukomtayonto gapu kadagiti awan papaayna a sao.⁹ Kuna ti Mateo 12:36, “Ngem ibagak kadakayo, a ti tunggal sao nga awan papaayna nga ibaganto ti tao, sungbatandanto iti aldaw ti panangukom.” Ibagi ti Paltiing 20:11-12, “Ket nakitak ti dakkel a puraw a trono, ket ISUNA a nakatugaw sadiay, a babaen iti ru-pana nagtalaw ti daga ken ti langit; ket awan nasarakan a lugar para kadakuada. Ken nakitak ti natay, bassit ken dakkel, nagtakder iti sangoanan ti DIOS; ken nalukatan dagiti libro: ket nalukatan pay ti sabali a libro, nga isu ti libro ti biag: ket ti natay ket naukom gapu kadagiti banag a naisurat kadagiti libro, segun kadagiti aramidda.”

Insuratko iti sabali a piraso ti babasaen nga agibabaon ti DIOS kadagiti ANG-HELNA tapno dadaelenda dagiti manag-basol ken dagiti nadadakes a lugar ditoy lubong.¹⁰ Ibagi ti libro ti Paltiing ti umuna ken maikadua a paset iti pito a didigra nga imbuyat dagiti anghes iti pannakadadael iti entero, nadakes launay a lubong (Paltiing 8:6 agingga 9:21, 11:14-19, 16:1-21).

Maysa met nga anghel ti nangdadael iti armada ni Senakerib, 185,000 a tao, iti uneg laeng ti maysa a rabii. “Ket napasa-mak iti dayta a rabii, a ti anghel ti APO ket rimuar, ket sinaplitna [pinatay] ti kampo dagiti taga Asiria a 185,000: ken idi a bim-mangonda a nasapa iti bigat, nakitada, dagiti amin a natay a bangkay” (2 Ar-ari 19:35).¹¹ Idi nagbasol ni David babaen iti panangbilangna iti Israel, banag a saan a kayat ti DIOS nga aramidenna, nangibaon ti DIOS iti maysa nga anghel a mangyeg iti didigra kadagiti annak ti Israel, a nangpa-tay iti 70,000 kadakuada (2 Samuel 24:15).

Ti DIOS, kas adda iti amin a disso, iti amin a lugar iti isu met laeng a kanito, ket mangibabaon kadagiti anghesna, nga isu dagiti TRABAHADORNA, a mangilunod kadagiti tattao ti lubong, ken mangyeg iti pakadadaelan dagiti managdakdakes. Dagiti anghes ket mensahero met a naibaon a mangyeg kadagiti naimbag a damag kada-giti tattao a kas kada Maria ken Elizabet.¹²

Ita, adda iti apoy manipud iti DIOS a gumilgil-ayab a kas iti rangrang nga im-baga ni Apostol Pedro iti 2 Pedro 3:7-14: “Ngem dagiti langlangit ken ti daga, nga agdama, babaen iti isu met laeng a SAO ket napatalinaedda, a naireserba para iti apoy intuno aldaw ti panangukom ken panna-kadadael dagiti saan a nadiosan a tattao.

Ngem, patgek, saanka koma nga ig-norante iti daytoy a banag, a ti maysa nga aldaw iti APO ket kas sangaribo a tawen, ken ti sangaribo a tawen ket kas maysa nga aldaw. [Ti laeng kayatna a saoen ket saan a kasapulan ti DIOS ti agapura a mangukom kenka ken kaniak gapu ta ti biagtayo ket ababa launay.¹³ Ti DIOS ket agnanayon; Agbiag ISUNA iti agnanayon.¹⁴ Ammona a sika ken siak ket agtakderto iti SANGOANANNA iti maysa wenno dua a kirem ti mata.¹⁵ Aglaplapusanan ISUNA iti tiempo. Intono awanen ti oras, kitaennakanto ken siak—asidegen unay]. Ti APO ket saan a nabuntog maipapan iti KARINA [ti PANANGUKOMNA], a kas aramiden ti dadduma a tao; ngem atid-dog ti panaganusna kadatayo, ta saanna a

pagayatan nga adda ti mapukaw, nga amin ket umay iti panagbabawi [sakbay ti dua kirem a panangukom ket malpas].

“Ngem ti aldaw ti APO ket umay a kas agtatakaw iti rabii; iti apagkanito mapukaw dagiti langit babaen iti napigsa a tagari, ken dagiti elemento ket matunaw gapu iti napa-lalo a pudot, kasta met ti lubong ken dagiti aramid nga adda dita ket mapuoranto. Nga-rud iti pannakakitam a marunawto amin dagitoy, ania a kita ti pagbalinam koma kas tao iti amin a nasantoan a panagsao ken kina-nadiosan, Iti panangbirok ken panangtarigagay iti yaay ti aldaw ti DIOS, a dagiti langit a mapuoran ket marunawto, ken dagiti elemento ket marunawdanto iti nakaro a pudot? Uray no kasta, datayo, se-gun iti KARINA, kumitatayo iti baro a langit ken baro a daga, a pagnaedan ti kinalinteg. Ngarud, patgek, iti pannakakitak iti panan-gsapol mo kadagitoy a banag, agalikakakayo a masarakannakayo koma a natalged, awa-nan mulit, ken pakapilawanna.”

Adda ti apoy ti DIOS a saan a makauram kas iti nadakamat iti ngato nga apoy, a mangpuor iti entero a langit ken daga. Dagitoy ti sumagmamano nga ehemplo daytoy a kita ti apoy. Ibagi ti Paltiing 1:13-14 nga adda ti maysa iti nagbabaetan dagiti pito a kandila, a mangisimbolo kadagiti pito nga iglesia, “a kas iti ANAK ti TAO [JESUS], nakawesan iti kawes agingga iti sakana, ken nabarikesan iti nabalitokan a barikes agingga iti barukongna. Ti ulo ken buokna ket napudaw a kas iti dutdut ti karnero, kas kapudaw ti nieve [mangi-simbolo KENKUANA kas KORDERO ti DIOS, a napapatay manipud iti pundasion ti lubong para kadagiti basol dagidiay agbabawi¹⁶]; ken ti matana ket kas iti GIL-AYAB TI APOY...”

“Ket ti anghel ti APO ket nagparang kenkuana [Moises] iti gil-ayab ti apoy idiay baet ti kayo a bassit: ket kimmita, ken, nakitana, ti bassit a kayo nga ur-uramen ti apoy, ken ti bassit a kayo ket saan a marunrunot” (Exodo 3:2).

“Ket ti APO napan iti sakbayda [ti na-sion ti Israel] iti bigat iti monmon nga ulep,

5 Deut. 31:21, 1 Ar-ari 8:39, 2 Ar-ari 19:27, 1 Cron. 28:9, Job 31:4, 34:21-22, 25, Sal. 44:21, 69:5, 139:1-16, 23-24, Isa. 29:15-16, Ezek. 11:5, Luc. 16:15, Ara. 15:18, Heb. 4:13, 1 Juan 3:20, Pal. 20:12-13 6 1 Ar-ari 8:27, 2 Cron. 2:6, Sal. 139:7-16, Prov. 15:3, 11, Jer. 23:23-24 7 Gen. 17:1, 35:11-12, 1 Cron. 29:11-12, 2 Cron. 20:6, Job 42:2, Sal. 104:1-32, Isa. 26:4, 40:12-18, 21-28, Mat. 19:26, 24:30, 28:18, Luc. 1:37, Juan 17:2, Ara. 26:8, Ef. 1:19-22, Col. 1:12-19, 2:10, Heb. 1:1-12, Pal. 4:11, 16:9, 19:6 9 Sal. 139:3-10, Jer. 23:23-24, Ara. 7:48-49, 17:24 9 Sal. 19:14, Mat. 12:36-37 10 “Ti Armada ken Puersa ti Dios iti Tangatang (Dagiti Tagabantay),” “Dagiti Nailangitan nga Anghes nga Adda iti Rabaw ti Planetatayo,” Gen. 19:1-25, Ex. 33:1-3, 2 Sam. kap. 24, 2 Ar-ari 6:8-17, 19:1-35, 2 Cron. 20:1-24, 32:1-22, Sal. 34:7, 35:4-6, Zac. 1:7-21, Mat. 13:36-43, 47-50, 16:27, Ara. 12:21-23, Judas 14-15, Pal. 7:1-2, kap. 8, 9:1-5, 12-21, 14:8-11, 15-20, 15:1, kap. 16, 18:1-2, 21, 19:17-21, 20:1-3, 21:9 11 2 Cron. 32:19-21, Isa. 37:36 12 Gen. 16:6-15, 21:14-21, Uk. kap. 13, 1 Ar-ari 19:1-8, Dan. kap. 6, Mat. 1:18-25, 28:1-8, Luc. 1:5-20, 26-38, 2:7-16, Ara. 1:9-11, 10:3-6, 12:1-11, 27:9-44 13 1 Cron. 29:15, Job 4:17-21, 7:6-10, 9:25-26, Sal. 22:29, 39:4-6, Isa. 2:22, 40:6-7, San. 1:10-11, 4:14, 1 Ped. 1:24 14 Ex. 15:18, Deut. 32:39-40, Job 36:26, Sal. 9:7, 10:16, 29:10, 45:6, 90:1-4, 93:2, 102:12, 24-27, 146:10, Isa. 44:6, Dung. 5:19, Dan. 4:34, Luc. 1:33, Heb. 1:10-12, 1 Tim. 1:17, 6:15-16, Pal. 1:8, 17-18, 4:8-11 15 Sal. 73:18-19, Eccl. 12:13-14, Dan. 7:9-10, Ara. 17:30-31, Rom. 2:5-13, 16, 14:10-12, 1 Cor. 15:52, 2 Cor. 5:10, Heb. 10:26-31, Pal. 11:18, 20:11-15 16 Isa. 53:4-12, Juan 1:29, 1 Ped. 1:18-19, Pal. kap. 5, 6:16, 7:9-17, 12:11, 13:8, 14:1-4, 15:3, 17:14, 19:7-9, 21:9-27

a mangiturong kadakuada iti dalan; ken iti rabii iti monmon nga apoy, a mangted kadakuada iti lawag; tapno makapagda-liasatda iti bigat ken rabii” (Exodo 13:21).

“Ken ti buya iti dayag ti APO ket kas iti manguram nga apoy iti tuktok ti bantay iti imatang dagiti annak ti Israel” (Exodo 24:17).

Iti Mateo 3:11, imbaga ni Juan a Mam-muniag, “Bautisarakayo iti danum para iti panagbabawi: ngem ISU [JESUS] nga umay kalpasak ket dakdakkal ti pan-nakabalinna ngem siak, a saanak pay a maikari a mangbitbit iti sapatosna: ISU ti mangbautisar kadakayo iti ESPIRITU SANTO, ken iti APOY.”

“Ket napasamak, kas ISU [JESUS] ket nagtugaw a nakipangan kenkuada, IN-ALANA ti tinapay, ken binendisionanna, ken pinisina, ken intedna kadakuada. Ket nalukatan dagiti matada, ken naam-ammoda ISUNA; ken nagpukaw ISUNA iti imatangda. Ken kunada iti tunggal maysa, saan kadi a dagiti pusota ket mapupuran iti unegta, kabayatan nga agsasao ISUNA kadata iti dalan, ken kabayatan nga inlukatna kadata dagiti iskratura?” (Lucas 24:30-32).

Iti 2 Ar-ari 6:17, nagkararag ni Elisio iti DIOS a lukatanna ti mata ti katulongna, ti adipenna, “Lukatam ti matana, tapno makitana koma. Ket ti APO linukatanna ti mata ti baro; ket nakitana: ken, nakitana ti bantay a napunno kadagiti kabalyo ken karruahe [karruahe, UFO, flying saucer] nga APOY [kas met laeng iti NASANTOAN nga ESPIRITU, ti APOY nga ibautisar ni JESUS no mapunnotayo iti panna-kabalin manipud iti ngato, nabautisaran iti NASANTOAN nga ESPIRITU ken APOY] iti aglawlaw ni Elisio.”

Iti Aramid 1:7-9, imbaga ni Jesus kadagiti DISIPULONA, “saan a para kadakayo ti panangammo kadagiti tiempo wenna panawen, nga inkabil ti AMA iti BUKOD-NA a pannakabalin. Ngem umawatkayonto iti pannakabalin [APOY ken REGGET], kalpasan nga umay kadakayo ti NASANTOAN nga ESPIRITU: ken dakayonto ti agsaksi maipapan KANIAK, agpada nga iti Jerusalem, ken iti amin a Judea, ken iti Samaria, ken iti ungto a paset ti daga. Ken idi NAIBAGANA dagitoy, kabayatan a ku-

mitkitada, naipangato ISUNA; ket inawat ISUNA ti ulep a kitkitaenda.”

Innala ti NASANTOAN nga ESPIRITU ni JESUS idia Langit. Ti NASANTOAN nga ESPIRITU ti mangop-operar kadagiti UFO, flying saucer wenna karruahe nga APOY nga addaan kadagiti angheles. Saanda a naggapu kadagiti aniaman a planeta. Nailangitanda—manipud idia Langit—a mangmanmanman iti lubong kadagiti kanito sakbay ti gibus ti panawen, sakbay nga agsubli manen ni JESUS di-toy lubong. Ipatpatungpalda met ti rugi dagiti ladingit a dinakamat ni JESUS iti maika-24 a kapitulo ti Mateo. Dagitoy dagiti sao ni JESUS: “Kitaenyo ta awan ti tao a mangallilaw kadakayo. Ta adu ti umay iti NAGANKO, nga ibagbagada, siak ni CRISTO; ket makaallilawda iti adu. Ken makangngegkayonto kadagiti gubat ken damdamag iti gubat: kitaenyo ta saankayo a mariribukan: ta amin dagitoy ket masapol a mapasamak, ngem saan pay nga isu ti gibus. Ta ti nasion ket umalsa a maibusor iti nasion, ken pagarian maibusor iti pagarian: ken addanto ti bisbisin, ken addanto dagiti peste [ti peste ket maysa a makapatay nga epidemia a sakit; didigra; aniaman a maibilang a makadadael], ken gingined, iti naduma-duma a lugar. Amin dagitoy ket rugi dagiti ladingit” (Mateo 24:4-8)

Ti panagkunam nalabsantayon ti rugi dagiti ladingit? Ibaga ti bersikulo 9, “Ket idatagdakayonto tapno madusa [ket ti DIOS ken dagiti anghel ket agbuybuya!], ket patayendakayonto [kas iti panangpatayda kadagiti lallaki, babbai, ken ubbing iti Waco masaker—ket ti DIOS ken dagiti angeles

ket agbuybuya. Imbaga da Janet Reno ken Bill Clinton iti nasional a TV nga isuda ti mangala iti pammabasol ditoy. Kuna ni Bill Clinton, ‘Daytoy ket mangisuro koma kadagiti tattao a saan a sumali kadagiti kulto.’ Daytoy ket saan unay a nainkalinteg, saan a konstitusional nga aramid maibusor iti First Amendment nga inaramid ni Bill Clinton—ken imbagana nga inaramidna.]: ken dakayo [pudno a Kristiano] guraendakayonto ti amin a nasion gapu iti NAGANKO [gapu ta ay-ayatem ni JESUS. Buybuyaen ni JESUS ken dagiti tagabantay ti tunggal banag a mapasasamak ditoy]. Ken adunto ti marurod [gapu iti panna-kaidadanes nga umay gapu iti panagbalin a pudno a Kristiano (saan a Katoliko)], ken liputanda ti tunggal maysa [kas adda kadakuada], ken guraenda ti tunggal maysa [kas ar-aramidenda]. Ken adunto dagiti palso a propeta [manipud ken ni Satanas] ti umay, ken mangallilawdanto iti adu. [Ibaga ti Paltiing 12:9 ‘Ken ti dakkel a dragon ket naitappuak, ti uleg idi ugma, a maawagan iti Diablo, ken Satanas, a nangallilaw iti entero a lubong: naitappuak isuna (manipud Langit) iti lubong, ket dagiti anghelna ket naitappuak a kaduana.’] Ken gapu ta dumakkal ti kinadakes, lumammiiis ti ayat iti adu. Ngem ti makaandur agingga iti panungpalan, isunto ti maisalakan. [Agbuybuya ken dumdumngeg ti DIOS ken dagiti karruahe nga APOY iti amin a banag.] Ken daytoy nga Ebanghelio [dagitoy a kina-pudno] iti pagarian ket maikasabanto iti entero a lubong kas saksi iti amin a nasion; ket isunton ti gibus [ti lubong] nga umay.

(Maituloy iti panid 4)

Ghana

Patgek a Pastor Tony Alamo,

Bendisionannaka koma a nawadwad ti Dios para kadagiti naimbag nga aramidmo nga ar-aramidem pay laeng para kadagiti nasion. Ti iglesiak, ti Grace Hour Ministry International, Ghana, ket napan kadagiti sumagmamano nga ili iti aglawlaw ti Mafi-Kumasi tapno agiwaras kadagiti pagiwarnak a Tony Alamo iti nasurok a 5,000 a tao. Impanmi ti naimbag a damag kadakuada, ket 500 a tao ti nangited kadagiti biagda ken ni Cristo ket inurnosmi nga agkikitakami iti tunggal Martes ken Dominggo kada lawas tapno adalenmi ti Sao ti Dios, ken ikararagmi ti ministri ni Tony Alamo. Ti temami iti daytoy a tawen para kadakuada ket: 2013 Ti Tawen ti Nadiosan a Balligi (1 Ar-ari 8:56). Siak, kas direktor ti grupo, tarigagayak nga usaren daytoy nga oportunidad nga agkiddaw iti 20,000 a piraso ti babasaen, 50 a Biblia para kadagiti baro a lider ti dayta a grupo, 300 a kopya ti libro a Mesias para iti umadani nga open air crusade a mapasamak no maika 11-20 ti Pebrero 2013, ken ikararagko manen a denggen ti Dios ti kararagtayo ken ispalenna ni Pastor Alamo manipud iti pagbaludan.

Stephen Kwabla Gbeve

Volta Region, Ghana



DAGITI KARRUAHE NGA APOY

(Katuloy ti panid 3)

Ngarud intuno makitayo ti makarimon a mangdadael, a sinarita ni propeta a Daniel, agtakderkayo iti nasantoan a lugar (ti agbas-basa, maawatanna koma:)” (Mateo 24:9-15).

Ti makarurod a mangaramid iti entero a lubong a madadael ket intuno ti Papa idia Roma, ti Vatica, ket urnongenna dagiti pangulo ti amin a nasion tapno mangbuo iti Maymaysa a Gobierno iti Lubong (One World Government), ti Baro nga Urnos ti Lubong (New World Order), nga isu ti ayup. Daytoy ket babaen iti espiritu ni Satanas.

Adtoy ti artikulo a napetsaan iti Disyembre 10, 2012 maipapan iti press release manipud iti Vatica: “Umaw-awag ti Vatica para iti Sangalubongan a Gobierno ken iti Baro nga Urnos ti Lubong,” ni Andrew Puhanic, kontributor iti Activist Post. “Ti lider ti Iglesia Katoliko [kulto], ni Pope Benedict XVI, ket immawag para iti pannakaipasdek iti Sangalubongan a Gobierno ken iti Baro nga Urnos ti Lubong. Iti sarita a naaramid iti Pontifical Council for Justice and Peace idi Lunes, Disyembre 3, 2012, immawag ti

Papa para iti ‘pannakabuo iti komunidad ti lubong, nga addaan iti bukod a turay, nga agserbi iti ‘pagsayaatan ti amin a familia ti tao.’”

Ti pagsayaatan ti amin? Iti Paltiing 16:1-2, imbaga ti DIOS a no sumalitayo iti kas dita a makailunod nga organisasion a kas iti daytoy nga ayup, daytoy Maymaysa a Gobierno ti Lubong, daytoy Baro nga Urnos ti Lubong, a selselyoantayo ti bukod-tayo a gasat: “Ken nangngegko ti napigsa a timek manipud iti templo nga ibagbagana kadagiti pito nga anghel, mapankayo iti dalanyo, ken ibukbukyo dagiti malukong ti pungtot ti DIOS iti rabaw ti lubong. Ken napan ti umuna, ken imbuyatna ti malukongna iti rabaw ti lubong; ket nagtaud iti naangot ken nakaro a gaddil kadagiti tao nga addaan iti marka ti ayup [nga isu manen ti marka ti Maymaysa a Gobierno ti Lubong, ti Baro nga Urnos ti Lubong], ken kadakuada a nagrukbab iti imahena [nga isu ti lubong dagiti naallilaw, saan a naisalakan a tattao].”

Ibaga ti Paltiing 19:20, “Ken ti ayup [ti Maymaysa a Gobierno ti Lubong, ti Baro nga Urnos ti Lubong nga ipanguloan ti Roma¹⁷] ket naala, ken kadduana ti palso a propeta [nga isu ti Iglesia ti Romano

Katoliko a kulto] a nagaramid kadagiti datdatlag [palso a datdatlag, kas iti panagparang ni Maria, ken dagiti estatua ni JESUS nga agdardara iti krus, ken estatua ni Maria nga agdardara dagiti imana] iti imatangna, nga inallilawna ida a nangatwat iti marka ti ayup [ti tattao iti entero a lubong nga inallilaw ni Satanas], ken isuda a nagrukbab iti imahena [dagidiay a nagserbi iti gobiernona, ken adda iti listaan dagiti paspasueldoenna]. Dagitoy a dua ket naitappuak a sibibiag iti danaw iti apoy a gumilgil-ayab iti asupre.”

Ti ar-aramided ken ibagbaga daytoy a papa ket nadaras a mangidalan iti naallilaw a lubong iti panangala iti marka ti ayup iti ima wenno musingda. Amin dagidiay a mangala iti daytoy a marka ket isu met laeng kas kadagiti mangtabbaaw iti NA-SANTOAN nga ESPIRITU, ken daytoy a papa ket mangal-allilaw iti adu iti nagan ti kappia ken salaknib.¹⁸ Ibaga ti Paltiing 13:16-17, “Ken isuna [ni Satanas a naibagi iti papa, ti palso nga iglesiana, ken ti Baro nga Urnos ti Lubong, Maymaysa a Gobierno ti Lubong] ti gapu, agpada a bassit ken dakkal, nabaknang ken napanglaw, nawaya wenno balud, a mangawat iti marka iti

17 Pal. 17:1-9, 15-18, 18:1-10, 15-19, 24, 19:1-3 18 Jer. 6:13-14, 8:11, Ezek. 13:9-10, Mat. 10:34, 1 Tes. 5:1-9

California

Iglesia nga Alamo,

Agyamanak iti naudi a kahon ti babasaen. Kasapulak manen ti sabali a kahon. Tallo laengen a piraso ti adda kaniak a babasaen!

No makakitaak iti adu a lugan masapol nga ikabil ko ida kadagiti windshields! Ti tape ni Pastor Alamo maipapan iti panagimula iti bukel ket addaan iti dakkal nga epekto iti biagko. Imbaga pay ni Pastor Tony, “Agaramidka kabayatan a kabaalam.” Idi kalman adda nakitak a Lutheran church school nga addaan iti nagadu a lugan. Adda met nakitak iti kolegio, ken iti lugar a Seal Beach pier ket naibusanak iti babasaen! Nasayaat launay dayta nga aldaw iti Apo ken pudno a naragrag-ok ti paboritok nga isport, “ti panangkugtar iti ubet ti diablo,” ken, kas imbaga ni Pastor Tony, “Impaayna kaniak ti dakkal a rag-o.” Nakaad-adu a tao ti makangkangngeg iti maipapan ken ni Tony babaen iti tengngel ti Vatica a media a kas ammoyo! No ikkak dagitoy a tattao iti babasaen, sigsiguradoek a mangngegda ti kinapudno maipapan ken ni Pastor Alamo! Dagiti kampanya a pangdadael iti reputasion nga ar-aramidenda kenkuana ket naan-anay a palso ken kagurada isuna (a kas inaramidda ken Jesus) gapu ta isuna ti

#1 a kabusor ti publiko iti panangibutak-takna iti Vatica, ti kulto ni Satanas.

Gubat dagiti sao daytoy, kas kuna ni Pastor Alamo, ti kinapudno ti Dios a maibusor iti ulbod ni Satanas! Ngem adu a tattao nga inikkak iti babasaen ti dumdumngeg iti agpayso a kinapudno maipapan iti Alamo ministri! Kas kumarkaro ti panangidadanesda ken ni Tony, kumarkaro met ti pannakaammok nga isuna ket adda iti panig ti Apo. Ti laeng aramidem ket dumngeg kadagiti mensahena tapno maammoam a pudno isuna a propeta ti Dios! Dakkal ti gungunam idia Langit, Pastor Tony, iti panangitedmo iti biagmo iti Dios tapno maisalakan met ti dadduma ken mapanda idia Langit para iti agnanayon, ken matakasanda ti agnanayon nga umap-apoy nga Impierno! Uray no papatayendaka, ammok a ti trabaho ti Dios nga impasdekmo ket agtuloy iti panangikasaba iti agnanayon nga ebanghelio! Saan a mapasardeng ni Satanas ti pudno a trabaho ti Dios! Uray no addaka iti pagbaludan, ti ebanghelio ket maikaskasaba latta iti napigpigsang ngem idi babaen kadagiti babasaem, ken babaen kadagiti dedikado a Kristiano a kas kenka,

Pastor, iti entero a lubong. Ni Satanas ket naabaken a kalaban. Dayaw iti Dios!

Ti Vatica, ti dakkal a balangkantis, ket saan a nagbaliw ken saan a pulos! Ikara-ragko a salakniban ti Dios ni Pastor Alamo manipud iti daytoy satanic nga ayup ken ammok nga aramidenna! “Awan ti armas a naaramid para kenka ti agballigi.” Anian a kari! “Saanyo a sagiden ti pinulotak ken saanyo a dangran dagiti propetak.” Ibaga ti Paltiing 18:24, “Ket kenkuana [ti Vatica] nasarakan ti dara dagiti propeta ken santo ken amin dagiti napapatay iti daga.” Ngem ammotayo no sinno ti mangabak iti kamauddianan ken saan a ti diablo! Ituloyyo ti panagtultuloy! Ammok nga aramidenyoy, ti iglesia, ken ni Tony. Kas kuna ni Tony, “Siguradoak a nangngegyo ti maipapan iti baro a linteg ti gura—no bumusorka iti same-sex marriage, daytoy ket maysa a krimen.” Siguradoak ipatungpalda iti mabiit.

Agyamanak manen iti amin a banag. Kumitaak iti masakbayan para kadagiti babasaen tapno maitultuloyko nga atakien ni Satanas!

Madaydayaw ti Apo!

W. D.

Lakewood, CA

makannawan nga imada, wenna kadagiti muggingda: Ken awanto ti tao a makagatang wenna makalako, malaksid no adda kenkuana ti marka, wenna ti nagan ti ayup, wenna ti numero ti naganna.”

Iti press release na, innayon ti Papa a daytoy ket, “wagas a panangidepensa iti sangalubongan a kappia ken hustisia [‘Addakayo iti amayo a diablo, ken aramideno ti derrep ti amayo. Isuna ket mamapatay sipudpay idi rugi, ken saan nga agtalinaed iti pudno, gapu ta awan ti kinapudno kenkuana. No agsao isuna iti ulbod, agsasao isuna iti bukodna: gapu ta ulbod isuna, ken iti ama daytoy’ (Juan 8:44).] Ti sirmata ti papa a pannakaipasdek iti Sangalubongan a Gobierno ken iti Baro nga Urnos ti Lubong ket nairanta a saan a mangaramid iti baro a dakkel a panna-

kabalin wenna superpower, ngem baro a mangimaton a bagi [a para iti nakondemnar, saan a naisalakan a lubong (ngem addaan panangispal para kadagiti santo)] a mangipaay kadagiti (nauutek a pulitiko) a responsable iti panangaramid kadagiti desision, pagbasaran iti panangukom, ken praktikal a pagannurotan. Nakutar ti Papa a mangibagbaga ‘Ti naisingasing a bagi (Sangalubongan a Gobierno) ket saanto a dakkel a pannakabalin wenna superpower, a naitaelek laeng iti ima ti sumagmamano, a mangdominar kadagiti amin a tao, a manggundaway kadagiti kakakapsutan.’ [Daytoy ti eksakto a balakda nga aramiden ken ar-aramidenda.] Inladawan met ti Papa ti sirmatana kas ‘moral [imoral] a puersa’ wenna moral a turay [no namoralan a talaga isuna, apay ta saan nga ipalubos daytoy

a gobierno ti Sangapul a Bilin kadagiti publiko a pagadalan wenna kadagiti patakder ti gobierno, kas kadagiti korte?] nga addaan ‘pannakabalin a mangimpluensia a maiyannurot iti panunot, nga isu ti, mabalin a mapagkikinnadduaan ken mapagbibingayan a turay, a linimitadoan ti linteg iti saklawna.”¹⁹

Imbaga ti DIOS kadayo amin nga umadayotayo manipud kadagiti organisasion ni Satanas, kangrunaan ti Maymaysa a Gobierno ti Lubong ni Satanas, a naited ti turayna manipud ken ni Satanas iti Baro nga Urnos ti Lubong.²⁰ Patiem kadi ti DIOS, wenna daytoy kukua ni Satanas a kulto a Romano Katoliko ti Vatica ken ti Papa? Awan magunguna iti panamati iti Papa nga adipen ni Satanas. Ti pag-
(Maituloy iti panid 8)

19 <http://www.activistpost.com/2012/12/vatican-calls-for-world-government-and.html> [immawag ti Vatica para iti sangalubongan a gobierno] 20 2 Cor. 6:14-18, 2 Tes. 2:3-12, Pal. 2:18-25, 14:8-11, 16:1-2, 10-11, kap. 17, 18:1-8, 19:1-3, 17-21, 20:4, 10

Testimonio ni Suzette Brown

Ti naganko ket Suzette Brown ken miembroak iti Tony Alamo Christian Ministries iti agarup lima a tawenen. Daytoy ti kamayatanen a lima a tawen ti panagbiagko. Babaen kadagiti sursuro ti pastorko a ni Tony Alamo, nasursurok ti agkararag ken kumpet iti Apo, no kasano ti sikakararag nga agbasa iti Biblia ken no kasano ti agsaksi kadagiti tattao. Agyamyamanak launay iti Tony Alamo Christian Ministries gapu ta kalpasan ti panangawatko iti pannakaisalakan, kinayatko a pagserbian ti Apo iti amin a pusok ken ited ti biagko Kenkuana, ken ti ruangan daytoy nga iglesia ket silulukat para kaniak.

Napatanurak kadagiti sabali a Kristiano nga iglesia manipud kinaubing. Kaykayatko ti naebanghelioan a kankanta idi bassitak. Ni uliteg ko a Mike ket maysa a pastor ken imbagana kaniak iti maipapan iti Impierno idi lima ti tawenko. Imbagana kaniak ti maipapan iti apoy ken dagiti agnanayon a tuok. Sinaludsodko kenkuana, “Kasanoak a maisalakan?” Nakipagkararag isuna kaniak. Malagip ko ti kararag a, “Apo, mamatiak a natayka idia krus gapu kadagiti basolko ken nagungarka manen iti maikatlo nga aldaw. Umayka ditoy pusok Apo Jesus.” Saanak pulos a nabagaan maipapan iti pannakabalin ti dara

ni Jesus a mangugas kadagiti basolko wenna iti panagkasapulan a pagtulnogak dagiti bilin ti Dios. Imbaga ni uliteg ko kaniak a naisalakanakon ket saanko a mapukaw ti pannakaisalakanko. Namatiak iti “no naisalakanen, agnanayonen a naisalakan,” ken awan pulos ti agbalin a perfekto. Daytoy ti imbagbaga dagiti simbaan kaniak. Impagarupko a talaga a ti laeng kasapulak tapno maisalakan ket iti mangibaga iti kararag ken mamati a natay ni Jesus idia krus para kadagiti basolko. Sipud idi lima ti tawenko namatiak a naisalakanakon.

Idi seniorak iti high school, mapmapanak iti Southern Baptist Church. Ti pastor ken ti pangulo ti choir ket adda aramidenda a basol a nakaitibkolak iti Kristianismo. Saan a tay nasaysayaatak ta managbasolak met. Nagsardengak a mapapan iti simbaan.

Iti maudi a tawenko iti high school, kayatko ti agragsak ken agbalin a sikat ta maysaak nga istreyt A nga estudiantante. Rinuggiak ti nakibarkada iti kamali a grupo iti maudin a tawenko iti high school ken naadikak iti shabu. Nangrugi a nagus-usarak iti inaldaw. Nasarakak ti bagik nga agul-ulbod, agtaktakaw ken aglaklako kadagiti droga. Bimmagsak ken nadadael ti biagko. Napukawak ken naliday launay. Iti panagriknak awanen



Ni sister Suzette Brown

serserbik ken agmaymaysan. Nagtalawak iti balaymi tapno makipagnaedakun iti nobiok a maysa a dealer ti droga ket nagbalinak a naladingit launay. Nagdrop-outak iti kolegio ken nagsardengakon nga agtrabaho ken imbiagkon ti biag iti droga. Nagshabuak iti uneg ti walo a tawen iti panagbiagko. Saankon pulos a kayat ti maadik iti aniaman ngem natengngelnak ni Satanas ken saan ko a mabaelan nga isardeng.

Sumagmamano a tawen kalpasan ti Setyembre 11, binuyak ti dokumentario a “Loose Change.” Binuyak ti panagbagsak ti twin tower ket ammok a nakontrol ken naplano a demolision daytoy. Rinuggiak ti
(Maituloy iti panid 8)

Testimonio ni Suzette Brown

(Continued from page 5)

nagsukimat idi Setyembre 11. Kayatko a maammoan ti kinapudno, no sinno ti responsable iti Setyembre 11. Saanko a pinati ti gobiernotayo. Nagaramidak iti agarup uppat agingga lima a tawen a panagsukimat—rinibribo nga oras a panagsukimat. Daytoy a panagsukimat ket kasla panagtakasko manipud iti biagko ken nagbalin nga obsesion. Iti daytoy a kanito ti biagko, naka-high yak iti shabu kabayatan ti panagsuksukimatko. Maysa nga aldaw am-mok a ti basbasaek ket maysa nga ulbod. Agtugtugawak idi iti sango ti kompyuterko ken rinuggiak ti nagkararag, “Apo, ipakitam kaniak ti kinapudno maipapan iti Setyembre 11; Mariknak iti dakkell a dadagsen a mangammo iti kinapudno. Inaramidko amin dagitoy a panagsukimat. Ipakitam kaniak ti kinapudno ket ikkatem dagiti inuulbod.” Sinungbatannak a sigud ti Apo. Nangrugi a makasarakak kadagiti impormasion maipapan kadagiti Jesuita ken ti Vatica. Awan ti aniaman nga am-mok maipapan iti Iglesia Katoliko. Nagbuyaak iti video nga online ni Alberto Rivera (dati a padi a Jesuita) a nagsao iti Tony Alamo Christian Ministries idi 1984. Insuratko iti duyaw a sticky note, “Tony Alamo

Christian Ministries” ken impaigidko, ken naan-anay a nalipatak ti maipapan iti Tony Alamo Christian Ministries. Intultuloyko ti nagsukimat maipapan kadagiti Jesuita ken ti Vatica. Mamatiak iti pre-tribulation rapture, isu nga impagarupko nga awan-akto ditoy intuno addan ti maymaysa a gobierno ti lubong. Rinugian a lukatan ti Apo ti pannakaawatko nga agbibiatgato kadagiti maud-udin nga aldaw ken ti Vatica ket isu ti Ina dagiti Makarimon. Saanko kayat a pasien daytoy.

Iti agarup kastoy a kanito, maysa nga aldaw immay ti nobiok kaniak ket imbagana a saan nga agpayso ti rapture. Nakaungetak, ngem diak ammo ti Biblia ken awan ti maibagak nga aniaman a banag manipud iti Biblia tapno masuportaak dagiti patpatiek. Ngarud, rinugiak a binasa ti Biblia tapno mapaneknekak a kamali isuna. Awan mabirukak manipud iti Biblia a pangpaneknekko kadagiti patpatiek. Binasak ti Mateo 24 bersikulo 29-30: “Insigida kalpasan ti tribulasion agsipngetto ti init kadagita nga aldaw, ken saan nga ited ti bulan ti lawagna, ken matnag dagiti bitbituen manipud iti langit, ken dagiti pannakabalin dagiti langlangit ket mawagwagto: Ken agparangto ti

pagilasinan ti Anak ti Tao iti Langit ken agdung-awtoi dagiti tribu iti lubong, ken makitadanto ti Anak ti Tao nga umamay kadagiti ulep ti langit nga addaan pannakabalin ken dakkell a dayag.” Napanunotko, “Umayto ti Apo kalpasan ti tribulasion, saan a sakbay!” Intultuloy ko pay ti nagbasbasa kadagiti iskriptura nga ibagbagana kadagiti disipulona nga “agsiput,” ken “agsagana,” “Ta diyo ammo ti tiempo, kanito wenno oras a yaayko.” Sinaludsodko ti Apo, “Apay ta ibagbagam kadagiti disipulom nga agsiput ken agsaganada no saantayo a mapukaw ti pannakaisalakantayo? Ania ti bambantayantayo?” Nagtimek ti Apo iti pusok ket imbagana, “Gapu ta mabalin a mapukawmo ti pannakaisalakanmo.” Makaungetak kadagiti simbaan. Naulbodanak ken naalilaw. Saankon kayat ti agsubli iti simbaan.

Iti dayta a kanito, napukawak pay laeng ken natay kadagiti basolko, ken naadik iti shabu. Nagsardengak iti panagsuksukimatko maipapan kadagiti Jesuita ta nagbutengak. Kayatko nga ikkaten iti panunotko. Maysa nga aldaw kabayatan a naka-high yak iti droga idiy kuartok, immay kaniak ti makapakapsut a panangkombiktar. Mariknak ti presensia ti Apo. Nangrugiak nga agsangit ken saa-

Germany

Patgek a Pastor Alamo,

Kablaawanka iti nagan ti Apo. Mabendisionanak launay iti panangbasak iti website mo. Kayatko a saludsuden no mabalindak a paw-itan iti dadduma kadagiti babasaem iti agpada nga Ingles ken German. Nasayaat launay no makapaw-itkayo kaniak iti materiales a para iti 100 a tao gapu ta kayatko a maaddaan amin iti iglesiya ti libro a *Mesias*. Pangaasiyo ta paw-itandak iti 50 a German ken 50 nga Ingles pangaasiyo. Kasapulanmi met ti 10 a Biblia kumpurmi no iti Ingles wenno German ken kasapulanmi met ti flyers para iti 1,000 a tao gapu ta kayatmi ti mangaramid iti outreach! Bendisionannakayo ti Dios iti nawadwad kas tumulongkayo kaniami a mangdanun kadagiti napukaw babaen iti Sao ti Dios! Namnamaek ti makangngeg manipud kaniami mabiit!

Kadwa ken Cristo,

Andre J. Schoen

Cologne, Germany

South Africa

Anian a nagsayaat Isuna, ti Dios ni Jacob ken ti Sibibiag a Nasantoan a Diostayo! Kankanayonak nga agyamyaman iti Dios, ta ti ministrim ket pudno a mangmangyeg kadagiti tattao iti Dios, ken agrugrugida nga agserbi iti Dios iti amin a puso, panunot, kararua ken pigsa. Agyamanak kenka, Pastor Tony Alamo. Ti parabur ken kaasi ti Dios maadda koma kenka ken iti ministrim.

Gift Limban Nangwale

Johannesburg, Republic of South Africa

Uganda

Patgek a Pastor Tony Alamo,

Kablaaw kenka iti nagan iti Jesu-Cristo tayo. Siak ni Pastor Embwata Yamungu, ti tagaiwaras iti babasaem idiy Kampala, Uganda.

Kayatko ti agyaman iti Dios iti trabaho nga inaramidna babaen iti babasaem. Inwarasko ti babasaem idiy City Center College School ken Nakivubo Primary School. Nasurok a 30 nga estudiante ti naisalakan. Idiy Democratic Republic of Congo, 15 a tao ti naisalakan.

Kiddawek kenka a paw-itandak kadagiti babasaem ken 20 nga Ingles a Biblia, 20 a French a Biblia, 20 a French a libro a *Mesias*, 20 nga Ingles a libro a *Mesias*, 25 a T-shirts para iti team idiy Uganda ken Congo. Dagidiay a Biblia ket maiwarasto kadagidiay barbaro a namati, isuda nga ipatpatgato.

Kadwam ken Cristo,

Pastor Embwata Yamungu

Kampala, Uganda

nko a matengngel. Nagparintumengak ken imkisak iti Apo iti amin a pusok, ken imbagak “Apo, kasanok nga ibaga nga ay-ayatenka ket agtultuloyak met nga agbasbasol, ken kasanok nga aw-awagan ti bukodko a Kristiano ket agtultuloyak met nga agbasbasol?” Naburak ti pusok iti minilmilion a piraso. Mariknak a mabainak, naburakak, ken narugitak launay. Impakita ti Apo kaniak a saanak a naisalakan ken addaak iti dalan a mapan Impierno. Dinawatko iti Apo nga ipakitana kaniak ti dalan tapno maiyurnosak Kenkuana, lugar a mabalinko a papanan. Imbagak iti Apo nga amin dagiti simbaan ket nagulbod kaniak ken masapol nga adda koma ti sabali a papanan. Saanko kayat ti mapan Impierno, saankon kayat ti agdroga pay, ngem saanko kabaellan nga isardeng. Saankon a kayat ti agbasolpay, ngem saanko a maisardeng.

Nasalaponko diay duyaw a sticky note nga insuratko idi napalpalabas a bulan,



Ni brother Joseph Banda kabayatan nga agiwarwaras iti pangsoul-winning a babasaen ni Pastor Alamo idia Chipata town center—Chipata, Zambia

Florida

Agyamanak launay! Ipakaammoyo ken ni Pastor Alamo nga in-download ken inkabilko kadagiti CD ti adu a mensahena tapno denggek. Isuda ti mangiadadayo kaniak manipud iti panagdenggek kadagiti sarita iti radio (Insardengkon ti panagbuyak iti TV idi 2003). Dumdumnggak kadagiti mensahe ni Pastor Alamo iti amin a kanito, ket adu launay ti maad-adalko maipapan iti SAO. Binendsionandak launay!

Ayat ken ni Yahshua,
Hank Christen St. Petersburg, Florida

“Tony Alamo Christian Ministries.” Napanak nag-online ken rinuggiak a binasak dagiti babasaen maipapan iti ebanghelio. Saanak a magegbeban. Ti babasaen ket napno iti Espiritu Santo ken kasla iti danum a mangag-agas iti naburak a kararuak. Binasak ti babasaen iti bigat ken rabii. Nabilegda. Binasak diay “Dagiti Palimed ti Papa,” “Dagiti Nadakes nga Ahente ti Maymaysa a Gobierno ti Lubong nga Agparparang kas Ahente ti Estados Unidos,” ken “Ti Sabali a Pearl Harbor” ken ammok nga ammo ti pastortayo ti kinapudno.

Inmanehonak iti nobiok a napan idia San Francisco Bay area iti rabii ti Sabado. Immayak iti dua a gimung iti Domingo. Mariknak ti Espiritu Santo. Ammok a daytoy ti kayat ti Dios nga ayanko, ngem saanak idi a nakasagana. Nagawidak ket saannak a sinardengan ti Apo iti uneg ti tallo a lawas. Kumkumpetak pay laeng iti droga ken iti nobiok. Maysa nga aldaw a basbasaek ti babasaen a napauloan, “Ti Dalan nga agturong iti Panakabalin (The Road to Power)” ken naawatko ti pammati tapno agparintumengak. Ibagbaga ni Satanas kaniak nga agsubliakto met laeng iti panagdroga isu a saanko a kayat nga ibaga diay kararag ti managbasol. Ngem iti daytoy a kanito napugsat ti kawar. Pinatik iti amin a pusok nga isalakannak

ti Apo manipud kadagiti basolko ken ti pannakaadikko iti droga. Imbagak ti kararag ti managbasol iti amin a pusok, impakinakemko, “Pagserbiak ti Apo iti amin a pusok ken saanakon nga agsubli pay iti managbasol a biag.” Nakaparin-tumengak idi iti maysa a kwarto ti hotel. Winayawayaannak ni Cristo. Ammok a naisalakanakon. Mariknak ti Nasantoan nga Espirituna nga immay iti unegko ken ti darana a nangugas kadagiti basolko. Nagragsakak launay. Agsangsangitak nga addaan kadagiti lua ti rag-o. Kayatko ti agtaray a mangibaga iti amin maipapan iti napasamak kaniak. Awanen ti tarigagayko nga agdroga pay ken agbasol. Ti laeng kayatko nga aramiden ket ti agbasa iti Biblia ken ti agserbi iti Apo. Simmaliak iti daytoy a ministri dua nga aldaw ti napalabas kalpaskan ti pannakaisalakanko idi Enero 11, 2008. Nagimpakeak iti dua a maleta ken nagluganak iti tren ken immay ditoy. Saanko a napadasan ti kastoy a rag-o idi siwayawayaak pay laeng manipud iti droga. Naawatko ti Bautismo iti Espiritu Santo ken daytoy ti kayatko nga aramiden iti nabatbati pay a biagko, ti mangisubli iti Apo gapu ta intedna ti biagna a para kaniak idia Kalbario. Pudno a makaisalakan ti Apo ken itedna ti panakabalin a mangpamek iti basol. Inaramidna kaniak ken aramidenna met iti siasinoman nga umawag Kenkuana nga addaan napudno, nagbabawi a puso.

Pilipinas

Patgek nga Evangelist Tony Alamo,

Isursuratko daytoy babaen iti tulong ti babai nga anak ti amongko a kaslan adingek a babai, gapu ta saanak unay a nalaing iti panagsurat ken panagsao iti Ingles. Sangapulo ket siam ti tawenko; naggraduarak iti high school manipud iti maysa a probinsia ti Pilipinas a maawagan iti Antique ken simrekak kas katulong iti daytoy nasayaat a familia iti uneg ti nasurok a makatawenen tatta.

Dumdumnggek ti familia iti programa ti radio a “Tony Alamo Ministries” iti tunggal domingo ket isuna ti nangawis kaniak a dumnggek met. No maminsan saanko a maawatan gapu kadagiti sao, ngem babaen iti tulongda ipalpalawagda

kaniak no ania ti maibagbaga iti programam, ken no maawatakan rugrugiak ti mangpampanunot kadagiti mensahe ket karkaro a maap-apresiarko.

Namnamaek nga itultuloymo ti mangisaknap iti ayat ti Dios babaen iti programam. Ad-adu pay a kabaellan ti maited koma kenka ken pangaasim ta inayondak kadagiti kararagyo, kangrunaan ti salunat ti familiak. Pangaasiyo ta inayonyo met iti kararagyo ti familia a pagtartrabahoak. Naimbagda launay kaniak ken imbilang-dak a kas bukodda a kapamilya.

Salamat po (agyamanak).

Liezzle Esponilla
Quezon City, Philippin

DAGITI KARRUAHE NGA APOY

(Katuloy ti panid 5)

tungpalan dagiti mamati kenkuana ket iti agnanayon a Danaw ti Apoy.

Patiem ti DIOS a nalawag a nangibaga nga awan ti biag iti aniaman a dadduma a planeta. Patiem met a dagiti UFO ket anghel manipud Langit, dagiti Tagabantay, ken patiem ti MANNAKABALIN-AMIN a DIOS, manen, a yanna ti isu amin a lugar, a ti kayatna a saoen adda iti isuamin a lugar iti isu met la a tiempo.

No ti piliem ket ti DIOS, ibagam ngarud daytoy a kararag. Santo agpabautisarka, iti naan-anay a pannakaipabatok iti danum, iti nagan ti AMA, ti ANAK ken ti ESPIRITU SANTO.²¹ Adalem ti King James Version a Biblia, ken aramidem no ania ti ibagana.²²

APOK ken DIOSKO, maasi Ka kadi iti kararuak a managbasol.²³ Mamatiak a ni JESU-CRISTO ket isu ti ANAK ti sibibiag a DIOS.²⁴ Mamatiak a natay ISUNA idiaiy crus ken imbuyatna iti napateg a DARRANA para iti pannakapakawan iti amin a napalabas a basolko.²⁵ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,²⁶ ken agtug-tugaw ISUNA iti makannawan nga ima ti DIOS ket iti agdama a dengdenggenna

iti panangikonfesarko iti basolko ken iti daytoy a kararag.²⁷ Ilukat ko ti ruangan daytoy pusok, ket AWISENKA ditoy pusok, APO JESUS.²⁸ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiaiy Kalbario.²⁹ SAANNAKTO a paglikudan, APO JESUS; PAKAWANEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.³⁰ Ibaga ti SAOM a SAANMONTTO a paglikudan iti siasinoman, ket mairamanak dita.³¹ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.³² Agyamanak KENKA, APO JESUS, iti panangisalakakanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.³³

Kalpasan ti pannakaisalakan, imbilin ni JESUS a pabautisarka, iti naan-anay a pannakaipabatok iti danum, iti nagan ti AMA, ken iti ANAK, ken iti NASANTOAN nga ESPIRITU.³⁴ Adalem a sipapasnek ti Biblia a KJV, ken aramidem no ania ti ibagana.³⁵

Kayat ti APO nga ibingaymo iti dadduma ti maipapan iti pannakaisalakanmo. Agbalinka a tagaiwaras iti babasaen ni Pastor Tony Alamo a maipapan iti ebang-

helio. Ipaw-itmi kenka dagiti babasaen nga awan bayadna. Tawagannakami wenno agsuratka iti e-mail para iti ad-adu pay nga impormasyon. Ibingaymo daytoy a mensahe iti dadduma.

No kayatmo a maisalakan ti lubong, kas imbilin ni JESUS, saanmo ngarud a tak-takawan iti DIOS iti apagkapullo ken datd-tonna. Imbaga ti DIOS, “Takawan kadi ti tao ti DIOS? Ngem TINAKAWANDAK. Ngem ibagayo, Sadinno ti nangtakawanmi KENKA? Kadagiti apagkapullo ken daton. Nailunod kayo iti lunod: gapu ta TINAKAWANDAK, uray daytoy sangabukel a nasion [ken daytoy a lubong]. Yegyo amin dagiti apagkapullo [ti ‘apagkapullo’ ket ti 10% ti amin a pastrekmo] iti kamalig, tapno addanto ti karne [Naespirituan a makan] iti BALAYKO [dagiti kararuak a naisalakan], ken PADAS-ENNAK iti daytoy, kuna ti APO dagiti BUYBUYOT, no saan-konto nga ilukat para kadakayo dagiti tawa ti Langit, ken ibuyatko kadakayo ti bendision, nga awanto ti kwarto nga umdas nga umawat. Ken tubngarekto ti mangdadael para iti pagsayaatanyo, ken saannanto a dadaelen dagiti bunga ti dagayo; uraypay ti ubasyo saanna met nga ipaay ti bun-gana sakbay ti panawen ti talon, kuna ti APO dagiti BUYBUYOT. Ken amin a nasion ket awagandakanto a nabendisionan: ta agbalinkanto a maysa a nadam-eg a daga, kuna ti APO dagiti BUYBUYOT” (Malakias 3:8-12)

21 Mat. 28:19-20, Juan 3:5, Ara. 2:38, 19:3-5 22 2 Tim. 2:15, 3:14-17, San. 1:22-25, Pal. 3:18 23 Sal. 51:5, Rom. 3:10-12, 23 24 Mat. 26:63-64, 27:54, Luc. 1:30-33, Juan 9:35-37, Rom. 1:3-4 25 Ara. 4:12, 20:28, Rom. 3:25, 1 Juan 1:7, Pal. 5:9 26 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 27 Luc. 22:69, Ara. 2:25-36, Heb. 10:12-13 28 1 Cor. 3:16, Pal. 3:20 29 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 30 Mat. 26:28, Ara. 2:21, 4:12, Ef. 1:7, Col. 1:14 31 Mat. 21:22, Juan 6:35, 37-40, Rom. 10:13 32 Heb. 11:6 33 Juan 5:14, 8:11, Rom. 6:4, 1 Cor. 15:10, Pal. 7:14, 22:14 34 Mat. 28:18-20, Juan 3:5, Ara. 2:38, 19:3-5 35 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga imformasion wenno babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigsa.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti imformasion. ADDA MAIDASAR A MAKAN KALPASAN TI TUNGAL GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

© Copyright Febrero 2013 Amin a karbengan naited World Pastor Tony Alamo ® Nairehistro Febrero 2013

Ilocano—Volume 17500—Chariots of Fire